



BS
485
.9
.De1

De
Allegorica
interpre-
tandi





Class

Book

University of Chicago Library

BERLIN COLLECTION

GIVEN BY

MARTIN A. RYERSON

H. H. KOHLSAAT

BYRON L. SMITH

CHAS. L. HUTCHINSON

C. R. CRANE

H. A. RUST

CYRUS H. MCCORMICK

A. A. SPRAGUE

C. J. SINGER

1911

R E C T O R

ACADEMIAE LIPSIENSIS

AD

PENTECOSTALIA SACRA

IN

TEMPLO ACADEMICO

ORATIONE SOLEMNI

DIE XIX. MAII A. R. S. MDCCLXXXII.

RITE CONCELEBRANDA

INVITAT.

Continuatur argumentum: de allegorica interpretandi ratione.

Class

Book

University of Chicago Library

BERLIN COLLECTION

GIVEN BY

MARTIN A. RYERSON

H. H. KOHLSAAT

BYRON L. SMITH

CHAS. L. HUTCHINSON

C. R. CRANE

H. A. RUST

CYRUS H. MCCORMICK

A. A. SPRAGUE

C. J. SINGER

1891 6 1911

R E C T O R

ACADEMIAE LIPSIENSIS

AD

PENTECOSTALIA SACRA

IN

TEMPLO ACADEMICO

ORATIONE SOLEMNI

DIE XIX. MAII A. R. S. MDCCLXXXII.

RITE CONCELEBRANDA

INVITAT.

Continuatur argumentum: de allegorica interpretandi ratione.

1901011

1901011

1901011

BS485

1901011

De 1

1901011

1901011

1901011

1901011

1901011

1901011

In maximis iis atque eximiiis donis quibus Spiritus Sanctus non Apostolos solum ornauit et ad gerendum munus idoneos reddidit, verum reliquos etiam eius quidem temporis Doctores instruxit, quid quod et auditoribus eorum ad fidem oraculis diuinis habendam et vitam doctrinae conformem agendam facultatem et vires concessit, quorum memoriam his potissimum diebus pie recolimus; eminet *προφητεία* tantopere a Paulo commendata, qui reliquis omnibus eam praeferendam esse contendit, Christianos hortatus: *ζηλῶτε τὰ πνευματικά, μᾶλλον δὲ ἵνα προφητεύετε* 1 Cor. XIV, 1. eius vsum laudans v. 3. *ὁ δὲ προφητεύων ἀνθρώποις λαλεῖ ἐκδοκίμην καὶ παρακλήσιν καὶ παραμυθίαν*. Quibus ex locis patet quo sensu *προφητεύειν* et *προφητεία* a Paulo adhibeatur. Scilicet non de praedictione rerum futurarum, qua quippe paucissimi gaudebant, et quam vel summo studio et omnibus animi viribus intentis, consequi tamen vix potuissent, vt adeo vana fuerit et inanis admonitio Apostoli, quod ne cogitare quidem licet. Alia potius significatio locum obtineat necesse est, nimirum ea, qua de interpretatione oraculorum V. T. et iuxta vaticiniorum explicatione cogitamus, quae in Messia euentum habuere certissimum. Quemadmodum enim *προφήτης* non is tantum nominatur, qui res ignotas et a Deo sibi patefactas aliis manifestat, sed quoque hoc nomine insigniri solet, qui oracula diuina interpretatur, aliisque verum eorum sensum exponit: ita et *προφητεύειν* atque *προφητεία* eodem modo explicanda esse dubio caret. Atque huius interpretationis donum vario modo contigisse Apostolis reliquisque Doctoribus, auditoribus etiam non exclusis, ipsa verba laudata suadent. Quam enim Apostoli et alii forte Doctores ab ipso Spiritu Sancto edocti sunt sine mediis interpretandi scientiam, eam reliqui diligenti studio et opera in scrutandis literis sacris indefessa, cooperante Spiritu sancto sibi suam facere debuerunt. Indicauimus alio loco *) Vitrinae opinionem, qui ad donum *προφητείας* Apostolis collatum referre non dubitat, quod allegoricos Scripturae locos clarius, quam Doctores superiorum temporum et ipsi adeo Prophetae intelligere potuissent,

A 2

*) in Programm. quo Panegyris ad solemnem Promotionem Doctorum theologiae indicebatur, p. 17.

tuisſent, cui adſenſum noſtrum, produciſtis in medium rationibus dene-
gauimus. Sed de dono *προφητείας* plura commemorare non attinet.
Arripimus potius opportunam ſatis occaſionem ea continuandi, quae de
allegorica interpretandi ratione nuper dicere incepimus, atque expo-
ſitis iis, quae ad eius fata inter gentiles et Iudaeos pertinere videban-
tur, promiſſis ſtabimus, recensendis iis, quae ad eandem interpre-
tandi rationem inter Chriſtianos iure meritoque referenda eſſe cen-
ſemus.

Photius in Biblioth. Cod. CV. de Philone verba faciens, ἐξ ἧς in-
quit, οἶμαι καὶ πᾶς ὁ ἀλληγορικὸς ἐν ἐκκλησίᾳ λόγος ἔσχειν ἀρχὴν εἰς-
εϋῆναι. Quém locum Mangeius carpit, quod Philonem Allegoriarum
auctorem omnium primum putauerit Photius, quem etiam facili nego-
tio confutat, docens Philonem alios praecedentes ſequutum eſſe, dum ex
ipſo Philone laudat teſtimonia, quibus antiquiores ſe interpretes, hoc
inſtitutum perſecutos eſſe, memoraffer. Sed non opus erat hac conſu-
tatione, dummodo quae Photius dixerat attente ſatis conſideraſſet
Mangeius. Eccleſia enim, quam Photius nominat, eſt ſine dubio non Iu-
daica ſed Chriſtiana; in hanc quidem fluxiſſe allegoricam interpretatio-
nem e Philone affirmat, et iure omnino affirmare poterat. Quotquot
enim inter Patres eccleſiae huic interpretandi generi maxime dediti fue-
re, ii ex ſchola Alexandrina prodierunt, et in primis ex aſſidua Philo-
nis lectione, hanc hauſerunt facultatem, quae eo magis alebatur, quo
liberior allegoriarum uſus etiam eſſet apud alios, qui vel Platonis pla-
cira ſequerentur, vel e Iudaismo hoc ſtudium in Chriſtianam attuliſſent
ciuitatem. Hanc nimirum fuiſſe originem interpretationis allegoricae,
in eccleſia Chriſtiana, atque ex his fontibus hauſiſſe, qui eam maxime
ſequuti ſint, et ad poſteros propagarint, hiſtoria eorum temporum teſ-
tis eſt, et a nobis vberiori iam tractatione declarabitur. Cum enim
haecenus de gentilibus et Iudaeis ea, quae ad inſtitutum noſtrum ſpectare
viderentur, paucis expoſuerimus, iam ad Chriſtianos eorumque anti-
quos Doctores, qui allegoriis delectabantur, accedemus. Primus ſe no-
bis affert *Barnabas*, cuius epiſtola, ſi modo genuina eſt et viro Apoſto-
lico non prorsus indigna, ſcater allegoriis nimis contortis et frigidis,
quin fabulis, de animalium naturis et cauſis, cur Deus olim Iudaeos ea
edere vetuerit. Quapropter eam Eufebius Hiſt. Eccl. L. III. c. 25 in-
ter νόθας refert, quod quamuis non de ſpuria et falſa intelligat, aucto-
ritatem

ritatem tamen ei denegat hoc nomine, quo intelliguntur scripta quorum fides sit dubia. Vnam exempli causa allegoriam commemorasse sat erit: Capite nono e numero seruorum Abrahami 318. $\tau \iota \eta$ Iesum crucifixum mira sane astutia extortum esse, quis non miretur? Scilicet primae litterae nominis Ιησους , ι . et η efficiunt 18. et τ quod crucis figuram exhibet, valet 300. quibus collectis habes numerum seruorum Abrahami. Omitto alia quae ibi adduntur. Ceterum hanc interpretandi rationem, ipse epistolae auctor nomine $\gamma\nu\omega\sigma\epsilon\omega\varsigma$ ornat Cap. I. et II.

Hermæ vero, cui liber, quem ipse Pastoris nomine inscribere voluit, tribuitur, an inter eos, qui allegoricam interpretationem propagarint, locum adsignemus, dubitamus. Quamuis enim eius Visiones, Praecepta et Similitudines, allegorica opus habeant interpretatione, ipse tamen nunquam fere sacrarum literarum interpretem agit, et ubi locum ex iis affert, quod quidem raro fit, nullam addit explicationem, sed suis quibusdam meditationibus illustrare solet.

Mittimus alios de quibus hoc loco non attinet dicere, et ad eos accedimus, qui allegoricae interpretationi auctoritatem maxime conciliarunt, doctrina insignes *Clementem* scilicet *Alexandrinum* et *Origenem*, quorum ille quidem huius praeceptor, quam ex Philone hauferat, scientiam, non ipse solum in scriptis suis adhibuit, sed et discipulo instillauit, quem huius interpretationis acerrimum Patronum fuisse omnes vno ore profitentur. *Clemens* quidem *Alexandrinus* in Cohortatione ad gentes, serpentem eodem modo vt Philo allegorice, voluptatem interpretatur p. 86. edit. Potteri δ $\pi\rho\omega\tau\omicron\varsigma$ ($\alpha\acute{\nu}\theta\rho\omega\pi\omicron\varsigma$) $\acute{\omicron}\tau\epsilon$ $\epsilon\acute{\nu}$ Παραδείσῳ $\epsilon\pi\alpha\iota\zeta\epsilon$ $\lambda\epsilon\lambda\upsilon\mu\epsilon\acute{\nu}\omicron\varsigma$, $\epsilon\pi\epsilon\iota$ $\pi\alpha\iota\delta\acute{\iota}\omicron\upsilon$ $\eta\acute{\nu}$ $\tau\tilde{\alpha}$ Θεῶ $\acute{\omicron}\tau\epsilon$ $\delta\epsilon$ $\upsilon\pi\acute{\epsilon}\pi\iota\pi\tau\epsilon\nu$ $\eta\delta\omicron\nu\eta$ · $\acute{\omicron}\Phi\iota\varsigma$ $\alpha\lambda\lambda\eta\gamma\omicron\rho\epsilon\acute{\iota}\tau\alpha\iota$ $\eta\delta\omicron\nu\eta$, $\epsilon\pi\iota$ $\gamma\alpha\sigma\acute{\epsilon}\rho\alpha$ $\epsilon\rho\pi\iota\sigma\sigma\alpha$, $\kappa\alpha\kappa\acute{\iota}\alpha$ $\gamma\eta\acute{\iota}\nu\eta$, $\epsilon\iota\varsigma$ $\upsilon\lambda\alpha\varsigma$ $\tau\rho\epsilon\phi\omicron\mu\acute{\epsilon}\nu\eta$ $\pi\alpha\rho\acute{\eta}\gamma\epsilon\tau\omicron$ $\epsilon\pi\iota\theta\upsilon\mu\acute{\iota}\alpha\iota\varsigma$ $\acute{\omicron}$ $\pi\acute{\alpha}\iota\varsigma$ $\alpha\acute{\nu}\delta\rho\epsilon\iota\acute{\zeta}\acute{\omicron}\mu\epsilon\omicron\varsigma$ $\alpha\pi\epsilon\iota\text{-}\text{Θεῶ}$. *Primus homo olim Paradisum incolens ludebat solutus, quia puerulus erat Dei, cum vero se subiecerat voluptati, (voluptatem enim innuit serpens, eo quod ventre gradiatur, terrestre vitium, igni pascendo destinatum) a prauis libidinibus seductus, contumacia edoleuit.* Similia his leguntur apud Philonem Hexaemero, de legum allegoriis, et de agricultura p. 201. 202. ed. Mang.

Sed quamuis concedamus hanc allegoriam e Philone hausisse *Clementem*, non tamen existimamus eum historicum narrationis Mosâicae sensum de peccato primorum hominum prorsus sustulisse. Hoc nimi

rum familiare est ipsi et commune cum Philone, quod historicum sensum cum allegorico coniungat; hunc morem vterque servat in historiis Patriarcharum explicandis, quarum verum et proprium sensum non quidem negant, sed in eo potius acumen ingenii quaerunt, affectantes eximiam quandam doctrinam, si praeter historicum, alium interiorum et reconditum effingere possint. Quod ut eo certius nobis in eadem de Adami peccato, historia persuadeamus, exigit alius locus, quem eodem in libro legimus, p. 7. τὸ γὰρ πονηρὸν καὶ ἐρπιστικὸν θηρίον γοητεύον καταδηλῶται καὶ αἰκίζεται εἰσέτι νῦν τὰς ἀνθρώπους ἐμοὶ δοκεῖν βαρβαρικῶς τιμωρόμενον, οἱ νεκροὶ τὰς αἰχμαλώτους συνδεῖν λέγονται σώμασιν, ἔς' ἂν αὐτοῖς καὶ συσταπῶσιν ὁ γὰρ πονηρὸς ἔσσι τυραννος καὶ δράκων· ἔς' ἂν οἴσστε εἴη ἐκ γενετῆς σφετερίσασθαι, λίθοις, καὶ ξύλοις καὶ ἀγάλμασι, καὶ τοιούτοις τισὶν εἰδώλοις προσφύξας τῷ δεισιδαιμονίας ἀθλίῳ δεσμῷ τοῦτο δὴ τὸ λεγόμενον ζῶντας ἐπιφέρων συνέθαψεν αὐτοῖς, ἔς' ἂν καὶ συμφθαρεῶσιν. ἢ δὴ χάριν (εἰς γὰρ ὁ ἀπατεῶν,) ἄνωθεν μὲν τὸν Εὐάν. νῦν δὲ, ἤδη καὶ τὰς ἄλλας ἀνθρώπους εἰς θάνατον ὑποφέρων. Nam in hunc usque diem malignus ille serpens humanum genus praestigiis suis in contumeliosam et miseram servitutem abducit; saevitque in eos ut ita dicam barbarorum ritu, qui captivos suos mortuorum cadaveribus, donec una putrescant alligare feruntur. Dum enim quoscunque a sui ortus principio ad proprias trahere partes valet, crudelis ille Tyrannus et Serpens, ad lapides, ligna, statuas, reliquaque idola, misero superstitionis vinculo constringit, non incommode dicitur, vivos communi tumultu inferre donec una cum illis intereant. Quamobrem Euam olim (vnus etenim idemque seductor est) et alios nunc homines in mortem ducit. Quem hic per ἀπατεῶνα intelligat aperte ostendit, addens: Φύγωμεν οὖν, Αποστολικῇ πειθόμενοι παραγγελίᾳ, τὸν ἄρχοντα τῆς ἐξουσίας τῆς αἰέρος, τῆς πνεύματος τῆς νῦν ἐνεργῆντος ἐν τοῖς υἱοῖς τῆς ἀπειθείας. Fugiamus igitur Apostoli praecepto obsequentes, principem potestatis aëris huius, spiritum, qui nunc operatur in filiis inobedientiae. Nullam hic in verbo serpentis agnoscit voluptatem, quin disertis verbis interpretatur de spiritu malo, a quo primi homines in fraudem sunt induci. Aut itaque sibi non constat Clemens Alexandrinus, aut quod magis probabile est, sensum proprium et historicum ipse quidem probat, cum tamen non solum, quod singularis cuiusdam doctrinae esse putavit, occultum sensum non cuius obuium, ex eadem historia eruere.

Neque

Neque tamen ita deditus fuit Clemens noster allegoriis, ut eas semper fedaretur, quin easdem interdum reiecit, quod locus e multis euincit vnus. Paedag. L. I. C. 5. p. 104. edit. Potteri ὁ Κύριος λέγων. εἰ μὴ στραφῇτε καὶ γένησθε ὡς τὰ παιδιὰ ταῦτα, ἢ μὴ εἰσέλθῃτε εἰς τὴν βασιλείαν τῶν οὐρανῶν, ἢ τὴν ἀναγέννησιν ἐν ταῦτα ἀληθεῶν, ἀλλὰ τὴν ἐν παισὶν ἀπλότητα εἰς ἐξομώσωσιν παρακατατιθέμενος ἡμῖν. Dominus dicens: Nisi conuersi fueritis, et efficiamini sicut hi puelli, non intrabitis in regnum coelorum, non regenerationem allegorice hic significans, sed eam quae in pueris inest simplicitatem, ut eius similitudinem referamus, commendans. Vel hic solus, locus in quo allegoricum sensum non admittit, argumento esse potest, Clementem non vbique sine discrimine allegoriae fuisse defensore.

Idem tamen in ea fuit opinione, qua doctrinam de religione, et a gentilibus et in literis sacris ita traditam esse putaret, ut requireret quandam animi conformationem et attentionem in eo, qui ad eam cognoscendam accederet. Itaque vult, ut animus illius purus sit a rebus externis, et alienus a vanis, qui quae ad cultum summi Numinis et mentis humanae emendationem pertineant, perspicere velit. Ceterum institutionem ipsam de his tanti momenti rebus, ita esse comparatam, ut attentionem facile excitaret, quam qui adhibere non detrectet, ei demum praemii loco, aditum ad verum sensum patere, eundemque accuratam cognitionem consequi posse. Quam quidem sententiam his verbis declarat Strom. L. V. T. II. p. 656. sq. ὅσον γὰρ τυφλὸν ἐστὶ καὶ κωφὸν ἢ ζύνεσιν ἔχον, οὐδὲ φιλοθεάμονος ψυχῆς ὅψιν ἀδαμῆν τε καὶ ἐξυδερεῖν· ἦν ὁ Σωτὴρ ἐντίθησι μόνος, ὥσπερ ἐν τελεταῖς ἀμυητόν, ἢ ἐν χορείαις ἀμυσσον, ἔπω καθαρὸν οὐδὲ ἄξιον ἀγνῆς ἀληθείας, ἐκμελές τε καὶ ἄτακτον καὶ ὑλικὸν ἐστὶ, ἔξω θεῖα χορῶ ἱσασθαι δεῖ· πνευματικαῖς τε γὰρ πνευματικὰ συγκρίνομεν διὰ τὸ τό τοι τῆς ἐπικρύψεως τὸν τρόπον, θεῖον ὄντα, ὡς ἀληθῶς καὶ ἀναγκαιότατον ἡμῖν ἐν τῷ ἀδύτῳ τῆς ἀληθείας ἀποκείμενον ἱερὸν ἀτεχνῶς λόγον, Αἰγύπτιοι μὲν διὰ τῶν παρ' αὐτοῖς ἀδύτων καλεσμένων, Εβραῖοι δὲ διὰ τῆ παραπετάσματος ἠνίξαντο· μόνοις δ' ἐξῆν ἐπιβαίνειν αὐτῶν τοῖς ἱερομένοις, τῆτέστι, τοῖς ἀνακειμένοις τῷ θεῷ, τοῖς περιτετμημένοις τὰς τῶν παθῶν ἐπιθυμίας, διὰ τὴν πρὸς μόνον τὸ θεῖον ἀγάπην· ἢ καθαρῶ γὰρ καθαρῶ ἐφάπτεσθαι οὐ θεμιτὸν εἶναι συνεδέκει καὶ Πλάτωνι, ἐντεῦθεν αἱ προφητεῖαι, οἷτε χρησμοὶ λέγονται δι' αἰνιγμάτων. Quicquid enim est adhuc surdum et coecum, nec habet intelligentiam, neque animae con-

templari.

templandi cupidae interritum et perspicacem visum, quem solus praebet Servator, sicut in mysteriis prophanium, vel in choreis musicae imperitum, nondum mundum, nec casta veritate dignum, inconcinnumque et inordinatum, et adhuc materiale, stare oportet extra chorum diuinum, Spiritualibus enim spiritalia comparamus. Propterea certe per modum occultationis, eum, qui est vere diuinus et maxime nobis necessarius, in adyto veritatis expositum sermonem vere sacrum, Aegyptii quidem per ea, quae apud ipsos vocantur adyta, Hebraei autem, per velum significarunt: quae adire solis licebat iis, qui erant ex ipsis consecrati, hoc est Deo dedicati, quibus erant circumcissae vitiorum cupiditates, per suam in solum Deum charitatem. Non mundo enim mundum tangere Platoni quoque videbatur esse nefarium. Hinc prophetiae et responsa dantur per aenigmata.

His addimus alium locum e Strom. L. VI. T. II. opp. p. 802. sq. "Ο δὲ ἀκούετε εἰς τὸ θεῖον ἐπικεκρυμένως δηλονότι καὶ ἐν μυστηρίῳ (τὰ τοιαῦτα γὰρ εἰς τὸ οὐδὲν λέγεσθαι ἀλληγορεῖται) ἐπὶ τῶν δομάτων φησὶ κηρύξατε· μεγαλοφρόνως τε ἐκδεξάμενοι καὶ ὑψηλόφως παραδιδόντες, καὶ κατὰ τὸν τῆς ἀληθείας κανόνα, διασφῶντες τὰς γραφάς· ἅτε γὰρ ἡ προφητεία, ἅτε ὁ σωτὴρ αὐτὸς, ἀπλῶς ἅτως ὡς τοῖς ἐπιτυχῶσιν εὐάλωτα εἶναι, τὰ θεῖα μυστήρια ἀπεφθέγγετο, ἀλλ' ἐν παραβολαῖς διελέγετο· λέγουσι γὰρ οἱ Ἀπόστολοι περὶ τοῦ Κυρίου, ὅτι πάντα ἐν παραβολαῖς ἐλάλησεν καὶ οὐδὲν ἄνευ παραβολῆς ἐλάλει αὐτοῖς — "Ἀπαντα ὁρθὰ ἐνώπιον τῶν συνιέντων φησὶν ἡ γραφή,*) ταῖς τῶν ὅσοι ὑπ' αὐτὰ σαφηνισθεῖσαν τῶν γραφῶν ἐξηγήσιν, κατὰ τὸν ἐκκλησιαστικὸν κανόνα ἐκδεχόμενοι διασώζουσι. Κανὼν δὲ ἐκκλησιαστικὸς, ἡ συνῶδια καὶ ἡ συμφωνία νόμου τε καὶ προφητῶν, τῇ κατὰ τὴν τοῦ Κυρίου παρουσίαν παραδιδομένη διαθήκη — Διὰ πολλὰς τοίνυν αἰτίας ἐπικρύπτονται τὸν νῦν αἱ γραφαί· πρῶτον μὲν ἵνα ζητητικοὶ ὑπάρχωμεν καὶ προσαγρυπνῶμεν αἰετὶ τῇ τῶν σωτηρίων λόγων εὐρέσει· ἔπειτα, μηδὲ τοῖς ἀπασιν προσῆκον ἦν νοεῖν, ὡς μὴ βλαβεῖεν ἐτέρως ἐκδεξάμενοι τὰ ὑπὸ τοῦ ἁγίου Πνεύματος σωτηρίως εἰρημένα. διὸ τῇ τοῖς ἐκλεκτοῖς τῶν ἀνθρώπων, τοῖς τε ἐκ πίστεως εἰς γνῶσιν ἐγκρίτοις, τηρέμενα τὰ ἅγια τῶν προφητειῶν μυστήρια, ταῖς παραβολαῖς ἐγκαλύπτεται. Quod auditis in aurem, abdite scilicet et mystice (nam quae sunt eiusmodi, dicuntur in aurem dici allegorice) super domos, inquit, praedicate, ea scilicet magnifice expicientes, sublimiter dicenda tradentes, et ex regula veritatis scripturas explicam-

*) Prou. VIII. 9. cf. versionem τῶν δ' et vulg.

plicantes. Neque enim Prophetia, neque ipse Seruator adeo aperte eloquutus est diuina mysteria, ut ea facile capi possent a quibuslibet, sed disseruit in parabolis. De Domino quidem certe dicunt Apostoli quod omnia loquutus est in parabolis et nihil loquebatur eis sine parabola — Recta sunt omnia inquit scriptura, coram iis qui intelligunt, h. e. iis qui ab ipso declaratam scripturarum expositionem, ex ecclesiastica regula accipientes conseruant. Regula autem ecclesiastica est concentus et consensus legis et Prophetarum conuenienter testamento quod traditur per Domini aduentum. — Propter multas ergo causas occultant scripturae sententiam. Primum quidem ut diligenter inquiramus et semper in intelligenda salutari vigilemus doctrina. Praeterea ne omnibus quidem conueniebat hominibus intelligere, ne fraudi iis esset, si aliter acciperent ea, quae a sancto Spiritu dicta sunt salutariter. Quocirca electis hominibus et iis, qui ex fide cooptati sunt ad cognitionem, adseruata sancta mysteria Prophetiarum, leguntur parabolis.

In his quidem ablegat *Clemens* ad regulam quandam et normam interpretandi, quam omnes sequi debeant, et quam τὸν τῆς ἀληθείας κανόνα et τὸν ἐκκλησιαστικὸν κανόνα nominat, utroque nomine idem sine dubio indicans. Et eius quidem regulae veritatis Christum ipsum facit auctorem, quippe qui Apostolis veram scripturarum cognitionem tradidisset, eosque in rebus quae ipsis in aurem dixisset, vberiori et adcuratori institutione de vero verborum sensu edocuisset, eo quidem consilio ut eam cum aliis communicarent, et eundem sensum verum iis instillarent, quibus doctrinam praeceptoris promulgarent, eosque aptos redderent ad Scripturam recte explicandam. Eam autem explicationem, allegoricam a Clemente intelligi exinde patet, quod non Prophetiae solum verum ipse Seruator figuris et parabolis vti sint in tradenda doctrina. Has igitur ut recte intelligamus, opus esse ipsa Christi explicatione, Apostolis et per eos aliis patefacta, atque hanc ab ipso Christo suppeditatam esse regulam, qua adhibita, in allegorica interpretatione errores optime euitari possent, hanc qui seruaret ei omnia esse expedita, nec vllam de vero sensu superesse dubitationem.

Hanc vero explicationem instituendam esse praecipit e canone ecclesiastico, id est ex eo quem sequi debeant verae ecclesiae ciues. Quemadmodum enim Christus harmoniam legis et Prophetarum cum sua doctrina semper ostenderit, ita etiam eos, qui eam sequerentur, optimam inter Veteris et N. T. doctrinam, consensionem perspicere. *Uti-*

templandi cupidae interritum et perspicacem visum, quem solus praebet Servator, sicut in mysteriis prophanium, vel in choreis musicae imperitum, nondum mundum, nec casta veritate dignum, inconcinnumque et inordinatum, et adhuc materiale, stare oportet extra chorum diuinum, Spiritualibus enim spiritalia comparamus. Propterea certe per modum occultationis, eum, qui est vere diuinus et maxime nobis necessarius, in adyto veritatis expositum sermonem vere sacrum, Aegyptii quidem per ea, quae apud ipsos vocantur adyta, Hebraei autem, per velum significarunt: quae adire solis licebat iis, qui erant ex ipsis consecrati, hoc est Deo dedicati, quibus erant circumcisae vitiorum cupiditates, per suam in solum Deum charitatem. Non mundo enim mundum tangere Platoni quoque videbatur esse nefarium. Hinc prophetiae et responsa dantur per aenigmata.

His addimus alium locum e Strom. L. VI. T. II. opp. p. 802. sq. *Ο δὲ ἀκούετε εἰς τὸ ἕς ἐπικεκρυμμένως δηλονότι καὶ ἐν μυστηρίῳ (τὰ τοιαῦτα γὰρ εἰς τὸ οὕς λέγεσθαι ἀλληγορεῖται) ἐπὶ τῶν δομάτων Φησὶ κηρύξατε· μεγαλοφρόνως τε ἐκδεξάμενοι καὶ ὑψηλῶς παραδιδόντες, καὶ κατὰ τὸν τῆς ἀληθείας κανόνα, διασφῶντες τὰς γραφάς· ἅτε γὰρ ἡ προφητεία, ἅτε ὁ Σωτὴρ αὐτὸς, ἀπλῶς ἅτως ὡς τοῖς ἐπιτυχῶσιν εὐάλωτα εἶναι, τὰ θεῖα μυστήρια ἀπεφθέγγετο, ἀλλ' ἐν παραβολαῖς διαλέγετο· λέγουσι γὰρ οἱ Ἀπόστολοι περὶ τῆς Κυρίου, ὅτι πάντα ἐν παραβολαῖς ἐλάλησεν καὶ οὐδὲν ἄνευ παραβολῆς ἐλάλει αὐτοῖς — Ἄπαντα ὁρθὰ ἐνώπιον τῶν συνιέντων Φησὶν ἡ γραφή, *) ταῦτέστι τῶν ὅσοι ὑπ' αὐτῆς σαφηνισθεῖσαν τῶν γραφῶν ἐξηγήσιν, κατὰ τὸν ἐκκλησιαστικὸν κανόνα ἐκδεχόμενοι διασώζουσι. Κανὼν δὲ ἐκκλησιαστικὸς, ἡ συνωδία καὶ ἡ συμφωνία νόμου τε καὶ προφητῶν, τῇ κατὰ τὴν τῆς Κυρίου παρουσίαν παραδιδομένη διαθήκη — Διὰ πολλὰς τοίνυν αἰτίας ἐπικρύπτονται τὸν νῦν αἱ γραφαί· πρῶτον μὲν ἵνα ζητητικοὶ ὑπάρχωμεν καὶ προσαγρυπνώμεν αἰεὶ τῇ τῶν σωτηρίων λόγων εὐρέσει· ἔπειτα, μὴδὲ τοῖς ἀπασιν προσῆκον ἦν νοεῖν, ὡς μὴ βλαβεῖεν ἑτέρως ἐκδεξάμενοι τὰ ὑπὸ τῆς ἀγίου Πνεύματος σωτηρίως εἰρημένα. διὸ τῇ τοῖς ἐκλεκτοῖς τῶν ἀνθρώπων, τοῖς τε ἐκ πίστεως εἰς γνῶσιν ἐγκρίτοις, τηρέμενα τὰ ἅγια τῶν προφητειῶν μυστήρια, ταῖς παραβολαῖς ἐγκαλύπτεται. Quod auditis in aurem, abdite scilicet et mystice (nam quae sunt eiusmodi, dicuntur in aurem dici allegorice) super domos, inquit, praedicate, ea scilicet magnifice excipientes, sublimiter dicenda tradentes, et ex regula veritatis scripturas explicam-

*) Prou. VIII. 9. cf. versionem τῶν δ' et vulg.

plicantes. Neque enim Prophetia, neque ipse Seruator adeo aperte eloquutus est diuina mysteria, ut ea facile capi possent a quibuslibet, sed disseruit in parabolis. De Domino quidem certe dicunt Apostoli quod omnia loquutus est in parabolis et nihil loquebatur eis sine parabola — Recta sunt omnia inquit scriptura, coram iis qui intelligunt, h. e. iis qui ab ipso declaratam scripturarum expositionem, ex ecclesiastica regula accipientes conseruant. Regula autem ecclesiastica est concentus et consensio legis et Prophetarum conuenienter testamento quod traditur per Domini aduentum. — Propter multas ergo causas occultant scripturae sententiam. Primum quidem ut diligenter inquiramus et semper in intelligenda salutari vigilemus doctrina. Praeterea ne omnibus quidem conueniebat hominibus intelligere, ne fraudi iis esset, si aliter acciperent ea, quae a sancto Spiritu dicta sunt salutariter. Quocirca electis hominibus et iis, qui ex fide cooptati sunt ad cognitionem, adseruata sancta mysteria Prophetiarum, leguntur parabolis.

In his quidem ablegat *Clement* ad regulam quandam et normam interpretandi, quam omnes sequi debeant, et quam τὸν τῆς ἀληθείας κανόνα et τὸν ἐκκλησιαστικὸν κανόνα nominat, utroque nomine idem sine dubio indicans. Et eius quidem regulae veritatis Christum ipsum facit auctorem, quippe qui Apostolis veram scripturarum cognitionem tradidisset, eosque in rebus quae ipsis in aurem dixisset, vberiori et accuratori institutione de vero verborum sensu edocuisset, eo quidem consilio ut eam cum aliis communicarent, et eundem sensum verum iis instillarent, quibus doctrinam praeceptoris promulgarent, eosque aptos redderent ad Scripturam recte explicandam. Eam autem explicationem, allegoricam a Clemente intelligi exinde patet, quod non Prophetarum solum verum ipse Seruator figuris et parabolis vsu sint in tradenda doctrina. Has igitur ut recte intelligamus, opus esse ipsa Christi explicatione, Apostolis et per eos aliis patefacta, atque hanc ab ipso Christo suppeditatam esse regulam, qua adhibita, in allegorica interpretatione errores optime euitari possent, hanc qui seruaret ei omnia esse expedita, nec ullam de vero sensu superesse dubitationem.

Hanc vero explicationem instituendam esse praecipit e canone ecclesiastico, id est ex eo quem sequi debeant verae ecclesiae ciues. Quemadmodum enim Christus harmoniam legis et Prophetarum cum sua doctrina semper ostenderit, ita etiam eos, qui eam sequerentur, optimam inter Veteris et N. T. doctrinam, consensionem perspicere.

nam ab hac regula nunquam tot interpretes aberrassent, quam hoc loco praescripsit Clemens, nec ipse eam neglexisset. Sed fatendum est omnino Patres per ἐκκλησιαστικὸν ἰllum κανόνα aliam συνῶδιαν intellexisse, quam vtriusque istrumenti consensionem, eam nimirum rationem, qua legem et Prophetas ita interpretarentur, ut consensum cum disciplina quadam arcani et παραδόσεσιν aut γνώσεσιν quam crepabant, eo facilius euincere possent.

Sed in causis quas affert *Clemens*, cur occulta atque adeo non omnibus intellectu facilis esse debeat scriptura, prima quidem aliqua se commendat probabilitate; altera vero, quod non expediat ab omnibus intelligi, recte e mente *Clementis* est intelligenda et quodammodo excusanda. Quamvis enim eo profecto consilio scriptura sit exarata, ut intelligatur, tamen ex eius sententia, si omnia proprie et nullis inuoluta figuris proposita essent, haec ipsa verborum proprietates effectura fuisset, ut a profanis hominibus minus recte intelligeretur. Quod in sequentibus exemplo quodam illustrat, docens vniuersam carnis Christi historiam, infidelibus videri parabolam, cum tamen nitatur re vere gesta, et sit proprie intelligenda; quoniam nimirum offendantur sermone, qui Deum nasci et pati narret, quod nullo modo admitti posse putent. In his itaque quae sine dubio proprium admittunt sensum, si ab errore non immunes fuere, quanto magis a vero aberrauerint si tota doctrina rationi haud peruia, propriis ubique verbis tradita fuisset. Ita quidem Clemens nescio an satis accurate colligit. Paulo post p. 807. exemplum posuit gnosticae interpretationis, in exponendo decalogo, in qua κανόνα ἀληθείας frustra quaero, nec consensus antea laudatus, quem κανόνα ἐκκλησιαστικὸν dixerat, deprehendi a quouis lectore poterit. Cui adeo immorari alienum ducimus. Caeterum in quo ipse peccauit, id in aliis reprehendit et alios seuerè castigat ob hunc in interpretando errorem, quem tamen ipse admisit. Accusat enim haereticos, quod falsà interpretatione peruertant vera dogmata, dum aliorum verborum significationes detorqueant. Audiamus ipsum conquerentem, Strom. VII. T. II. opp. p. 891. καὶ τελήσωσι προφητικαῖς χρήσασθαι γραφαῖς, καὶ οἱ τὰς αἰρέσεις μετέντες· πρῶτον μὲν ἐκ πάσαις, ἔπειτα ἐκ τελείαις, οὐδὲ ὡς τὸ σῶμα καὶ τὸ ὕψος τῆς προφητείας ὑπαγορεύει· ἀλλ' ἐκκληγόμενοι τὰ ἀμφιβόλως εἰρημένα, εἰς τὰς ἰδίας μετάγχει δόξας, ὁλίγας σποράδην ἀπανθιζόμενοι φωναῖς· ἐκ τὸ σημανόμενον ἀπ' αὐτῶν

αὐτῶν σκοπῶντες ἀλλ' αὐτῇ ψιλῇ ἀποχεώμενοι τῇ λέξει. — ἡ ἀληθία οὐκ ἐν τῇ μετατιθέναι τὰ σημαίνόμενα ἐνρίσκεται· ἔγω μὲν γὰρ ἀνατρέψαι πᾶσαν ἀληθῆ διδασκαλίαν. *Quod si prophetici quoque scripturis uti ausi fuerint, qui sectantur haeresees, primum quidem non omnibus, deinde non perfectis, neque ut dictat corpus et contextura Prophetiae, verum eligentes ea quae dicta sunt ambigue, traducunt ad proprias opiniones, paucas voces sparsim carpentes, neque id considerantes, quod ex ipsis significatur, sed ipsa nuda dictione utentes.* — *Veritas non inuenitur in translatione significationum, sic enim omnem euerterent doctrinam.*

Subscribimus lubentissime huic vltimae sententiae, quam si semper sibi habuisset propositam, nae ille in effringendis tot contortis et a vero prorsus abhorrentibus interpretationibus infumisset operam adeo inanem. Sed satis de *Clemente* diximus. Ad *Origenem* deueniamus. Hunc enim licet omnium Patrum doctissimum, allegoriarum tamen in primis Patronum, quin allegoricae adeo interpretationis quasi statorem fuisse, omnes, quotquot hoc argumentum attigerunt, vno ore profitentur. Qui tamen si literalem sensum prorsus neglexisse *Origenem* contendant, non minus iniqui sunt atque iniurii in virum eximium, quam qui aliis criminibus de tanti viri mortui fama detrahere non dubitarunt. Neque enim sensum quem dicunt literalem prorsus abiecit, nec primus fuit, qui hunc interpretandae scripturae morem in ecclesiam inuexit. Sequebatur ecclesiae consuetudinem, cuius auctorem facit *Philonem* *Photius* Cod. 105. loco de quo diximus supra; imo *Aristobulum* *Iudaeum* *Philo*ne vetustiore in *Commentariis* suis in *Pentateuchum* *Mosis* allegorias adhibuisse et supra iam a nobis indicatum. Neque tamen negamus quaedam e *Philosophia* gentilium traxisse *Origenem*. *Porphyrus* *Hist. eccl. L. VI. Cap. 19.* auctor est, *Origenem* ex assidua librorum *Chaeremonis* *Stoici* et *Cornuti* tractatione, haustum hunc allegoriarum amorem ad sacras literas transtulisse. Inprimis autem *Pauli Apostoli* auctoritatem sibi propositam esse debere putauit *Origenes*. Nam ipse fatetur *L. IV. contra Celsum* edit. *Delarue T. I. p. 537.* νόμφας τε καὶ θεραπευίδας ἀνάγεσθαι ἐπὶ τροπολογίαν, οὗχ ἡμεῖς διδάσκουμεν ἀλλ' ἄνωθεν ἀπὸ σοφῶν παρελήφαμεν, ὧν εἰς τις ἔφασκε, διεγείρων τὸν ἀκροατὴν ἐπὶ τροπολογίας, λέγετέ μοι οἱ τὸν νόμον ἀναγινώσκοντες, τὸν νόμον οὐκ ἀκέετε; *Quod ad uxores legitimas et*

ancillas attinet, id quoque sensu tropologico esse accipiendum, non inuentum nostrum est, sed id docuere sapientes qui ante nos fuerunt. Horum unus auditorum erigens ad tropologias sic loquitur: Dicite mihi vos qui legem legitis, legem non intelligitis? ubi ad Pauli verba Gal. IV. 21. prouocat, aliis deinde locis e Pauli epistolis allegorias suas tuetur. Sed quae fuerit Origenis hoc in argumento sententia, quam rationem ipse seruauerit paulo penitus indagabimus. Triplicem scripturae sensum Origenes statuit, eumque comparatione cum homine instituta, illustrare solet. Quemadmodum enim, ex ipsius quidem sententia, utpote qui Platonis placita sequebatur, homo constaret corpore, anima et spiritu; ita in scriptura sensum inesse historicum, moralem, et mysticum. Diserte hanc sententiam suam facit Homilia V. in Leuit. T. II. opp. p. 269. Triplicem in diuinis scripturis intelligentiae inueniri saepe diximus modum, historicum, moralem, et mysticum; unde et corpus ei inesse et animam et spiritum intelleximus. Conf. de princip. L. IV. T. I. p. 168. Admissa semel hac comparatione, qua mire delectatur, eo aufertur, ut nimis eam amplificet et exornet, dum dignitatem cuiuslibet sensui eam tribuit, quam hominis partibus tribuendam esse iudicabat. Quemadmodum enim in homine spiritus anima, haec vero corpore praestaret; ita in sensu scripturae primas partes mystico, secundas morali, ultimas historico sensui assignare non dubitauit.

Posita hac gradatione, diuersas quoque classes eorum constituit, qui scripta sacra se intelligere existimarent. Plebem nimirum et simpliciores contentos esse historico; qui ultra vulgus saperent, eos animam quaerere, et ad moralem assurgere sensum; ii tandem quibus datum sit ad summam adspirare perfectionem, spiritum seu sensus mystici vim assequi.

Sed in singulis scripturae partibus, non eandem triplicis illius sensus rationem semper quaeri debere contendit. Mysticum quidem per vniuersam scripturam dispersum esse, nec vllum esse effatum, in quo ille non possit inueniri; moralem etiam eiusdem esse amplitudinis, nec villis finibus circumscribendum. Aliam vero esse historici sensus rationem, hunc non in omnibus locis esse quaerendum, eosque adeo in errores incidere, qui non nisi historicum admittant. Claritate lucet locus περὶ ἀρχῶν L. IV. §. 12. T. I. opp. p. 169. εἰς τινες γραφαὶ τὸ σωματικὸν ἑδαμῶς ἔχουσιν — ἐστὶν ὅτι οἰοῦναι τὴν ψυχὴν καὶ τὸ πνεῦμα

τῆς γραφῆς μὴν καὶ ζῆν. *Sunt scripturae quaedam quae nihil habent corpori (i. e. nullum verborum sensum historicum seu literalem) est ubi sola veluti anima et spiritus (sensus moralis et mysticus) quaeri debet.* Si forte quaeratur quatenam sint illa loca, in quibus omnis absit sensus literalis, respondet Origenes Homil. XI. in Num. T. II. opp. p. 304 sq. distinguendo inter legem et mandatum. Quidquid legis nomine in Mosaicis libris exprimat, id totum morali et mystico sensu exponendum esse; quidquid vero mandati, testimonii, iudicii rationem habeat, in eo literalem sensum non esse negandum. Caerimonias scilicet et ritus leuiticos, quamvis olim, dum obseruanda fuissent, sensu verborum non caruerint, tamen post Christum N. T. tempore, omnem amisisse verborum sensum. Praecepta autem morum, quae omnibus sine discrimine viuendi praescribant normam, vim suam et sensus adeo literalis ἐνέργειαν retinuisse. In ipso vero sensu hoc triplici inueniendo et indagando, multiplex et varia opus esse hominum cura, et viribus prorsus diuersis. Sensum enim verborum omnibus patere attente legentibus, ad sensum moralem paulo maiorem requiri scientiam, non tamen humana maiorem; mysticum vero non nisi eos perspicere, qui diuinitus edocti, dono quodam extraordinario ab ipso Spiritu sancto essent instructi. Quod cum sibi, quae est eius modestia, arrogare non audeat *Origenes*, eas quas affert interpretationes mysticas, nemini obtrudit, sed suo cuique sensu vti permittit. Spiritualem sensum a spiritu donari ecclesiae, diserte pronunciat Homil. V. in Leuit. §. 5. T. II. opp. p. 209. sq. ubi et de se ipso fatetur: *non sumus illius meriti, ut et nos dicere possimus, Nos sensum Christi habemus 2 Cor. II. 16.* — *Si enim mererer ut daretur mihi sensus Christi, etiam ego in his dicerem: scimus quae a Deo donata sunt nobis, quae et loquimur 2 Cor. II. 12. sed nunc contenti paruitate sensus nostri etc.* Haec sunt quae de sensu scripturae in vniuersum *Origenes* docuit. Restat ut videamus quomodo in allegorica interpretatione versatus sit, quas illius leges scripserit, et quibus tandem rationibus eas tentauerit fulcire.

Varias adferunt regulas ab ipso *Origene* praescriptas, quibus mysticorum sensuum, et necessitas cognoscatur et intelligentia facilius comparatur, quarum tres commemorat editor *Origenis Delarue* P. II. Praefat. p. 14. quas ad septenarium vsque numerum auxit *Moshemius Commentariis de rebus Christianorum ante Const. M. p. 648 — 657.*

Facili tamen negotio ad vnam omnia referri possunt regulam: Ad mysticum scilicet sensum et allegorias confugiendum est, et littera deferenda, quoties falsa, inutilia, Deoque indigna sint, quae sensus verborum doceat. Excusandus omnino videretur *Origenes*, si nihil praeter hanc regulam fundamenti loco in interpretatione Scripturae Sacrae posuisset, quam omnes comprobant, qui sibi necessitatem a propria verborum significatione deflectendi, in plurimis locis inpositam vident. In hoc tamen *Origenes* peccasse omnino censendus est, quod praeter necessitatem, limites regulae suae transiit, dum abreptus nimio studio; falsa, inutilia et Deo indigna remouendi, eo progreditur, ut plura quae in sacris literis tradantur, pro falsis et inutilibus Deoque indignis habeat, ut nimirum cupiditatem, siue potius, licentiam allegoriis utendi, eo melius defendere possit. In historia enim sacra, *Origenem* si audias, multa si proprie intelligantur, occurrunt falsa, eaque narrantur, quae vel nunquam euenerunt, vel nullo modo euentum habere potuerunt. Eandem sententiam non erubescit proferre, de legibus V. et N. T. in quibus quippe ea sibi inuenisse visus est, quae nec cum ratione conuenirent, nec Dei sapientia et bonitate essent digna, quin legibus adeo mere humanis inferiora. Quo quidem obligationem ad obedientiam iis praestandam rescindit omnem, vid. L. IV. *περὶ ἀρχῶν* n. 15, 16, 17, 18. contra Celsum L. VII. n. 20. 21. Homil. VI. in Iesaiam.

In his haud aliam viam superesse, auctoritatem atque dignitatem diuinam tuendi, quam allegoricam interpretandi rationem. Qua propter saepius in Commentariis legimus: *δεῖ τὴν περὶ τέτων ἀλήθειαν ἀποκεῖσθαι ἐν τοῖς νοητοῖς — δεῖ τὴν δοκῶσαν διαφωτίαν λύσθαι διὰ τῆς ἀναγωγῆς*. Sensit *Origenes* duram nimis esse sententiam suam, quam propterea emollire, seque aduersus eos defendere laborat, qui ipsum profligati sensus literalis crimine accusabant. Hunc nimirum non prorsum profligatum vult, allegoricum tamen praefert, nec rationes sibi deesse arbitratur, quibus ex ipsa sapientia et bonitate diuina praesidium arcessat sententiae suae. Sapienti nimirum consilio, Deum per impedimenta et offendicula ad sensum sublimiorem quaerendum excitare voluisse, et cauere, ne sensum moralem et mysticum plane negligerent. Nec pugnare cum bonitate Dei, quod cum instruere homines scientia rerum ad salutem cognitu necessariarum voluerit, methodum

dum adhibuerit inter homines maxime consuetam, et fabulis adeo fictisque exemplis atque imaginibus vsus sit, ad cognitionem iis suauius instillandam. Sed quis est qui non videat, haec parum commode ad defendendum errorem esse excogitata. Neque enim eiusmodi adminiculis ad attentionem excitanda erant hominum ingenia, quae omnem scripturae adimerent certitudinem, nec Deum decebat in instituendis hominibus uti fabulis iis, quae speciem veritatis prae se ferrent, adeoque facile possent fallere. Eiusmodi institutionis genus occultum, incertum et fallax, ne inter homines quidem est receptum. Qui enim fabulis vtuntur, ita loqui solent, ut veri et falsi confusio facile euitari possit, et addita explicatione, praecepta morum non occultant, sed manifesta proponunt. Quid? quod paradoxum imo periculosum est, veras historias in fabulas mutare, ut facilius reddatur ea, quam a Deo acceperunt homines institutio.

Miramur profecto *Origenem*, quod non intellexerit, hanc suam opinionem diuina inspiratione esse indignam; aut si intellexerit hoc Deum non decere, quod eo argumento eam voluerit defendere, quo Deum faceret dissimulatorem, ambigui et fallacis sermonis auctorem. Quid enim quaeso sublato sensu literali, gentiles impediēbat, quominus omnem prorsus reiicerent Scripturam, tanquam Spiritu sancto indignam? quid haereticos, quominus in suam detorquerent sententiam loca, e quibus, etiamsi iis aperte repugnarent, errores suos defendere conarentur? quid denique Christianos impelleret, ut legerent scripta, quae falsis scaterent et intellectu essent difficillima? Hinc iis, quae literaliter intellecta vera esse concedere cogeatur, pannos quosdam asuebat, fingeatque allegorias, siue quasdam imagines rerum, quae simul indicari illis diceret, quibus hoc efficeret, ut animos a proprio et vero sensu auocatos, ad aliena quasi potiora traduceret. Sic v. c. si hunc mundum vere existere, in dubium vocare voluisset, abscondere intelligebat; item si in huius mundi partibus Palaestinam, Hierosolymam, Tyrum, Sidonem, Aegyptum, Babylonem, Persiam, Arabiam inueniri cum incolis, negasset, videbat id esse hominis deliri. Sed non ita delirauit *Origenes*, interea tamen duplicem finxit mundum, corporeum vnum alterum spiritualem, atque a sensibus remotum, hunc iterum in coelestem et terrenum diuisit; et terrenum quidem ecclesiam esse, coelestem autem in superis regionibus deprehendi, atque huic corpo-

corporeo mundo omni ex parte respondere, ad cuius quippe exemplar, inferior hic mundus esset formatus. Aperte hanc sententiam proficitur Commentario in Ioh. T. IX. Vol. II. opp. p. 147. edit. Huetii et T. XIX. p. 283. ubi κόσμον δεικνύμενον καὶ αἰσθητὸν αὐτὸν κόσμον ἀοράτῳ ἔβλεπομένῳ καὶ νοητῷ discernit. Iam ut quae in hoc mundo sunt, spirituali mundo perfecte respondeant, in coelis regiones somniat, Iudaeam, Babylonem, Aegyptum etc. vrbesque tribuit his coelestibus regionibus Hierosolymam, Tyrum, Sidonem, et quotquot in hac terra inveniuntur. Ex quo deinde hanc interpretationis regulam deducit: Quidquid in scriptura de Hierosolyma, Babylone, Aegypto et aliis locis, quae in orbe nostro reperiuntur, eorumque incolis dicitur, id quoque ad coelestes regiones vrbesque cognomines, atque earum incolas est referendum. Imo saepissime de coelestibus his tantum locis, Prophetas loqui affirmat, cum de terrenis sermonem facere videntur. Ex ipsis adeo Pauli scriptis se hoc dogma hausisse contendit, fretus locis, in quibus de Israelita secundum spiritum et de Hierosolyma superiori Apostolus egit Rom. II. 28. 29. 1 Cor. X. 18. Gal. IV. 26. Ebr. XII. 22. Sed verius ex Platonis doctrina de ideis, eaque immutata et amplificata haec deriuasse, et Philosophiam, quam dicunt imaginariam, cui deditus erat, Theologiae, siue interpretationi sacrarum literarum, accommodasse Origenem perhibetur.

Breui haecenus, quantum licuit, narratione exposuimus, quae fuerit *Origenis* et de sensu scripturae, et de eius interpretandi ratione sententia. Quae si obiter tantum reuocatur, facili negotio ab omnibus, qui praeiudicatis opinionibus non indulgent, repudiabitur. Nam diuisio illa sensus triplex quamvis a quam plurimis veterum et multis recentiorum fuerit adoptata, falsa tamen reperitur et omni fundamento destituta. Certissime enim cum clarissimis interpretibus nobis habemus persuasum, scripturae sensum verum et indubitatum semper non esse nisi vnum, eumque literalem. Moralis enim qui de moribus praecipit, omnino sensus dici non potest, sed est potius proprii et literalis sensus adcommodatio ad caput aliquod doctrinae de moribus illustrandum, qui si a literali prorsus diuersus statuatur et in detrimentum illius extollatur, ita ut solus in locum sensus literalis, qui plane negligitur, aut adeo negatur, succedat, tunc certe omnis in sensu constituendo certitudo tollitur et inuehitur procax in interpretando grassandi libido. Praecepta enim de mori-

moribus tunc demum e literis sacris confirmantur, si vel ipsa *ἐντῶς* constituent sensum literalem, vel sponte e literali sensu fluant. Mysticus denique seu typicus qui fingitur, ne nominari quidem potest sensus. Est enim non verborum sed rerum, quas Deus esse voluit signa rerum futurarum, per symbola indicatarum. De quo ne iudicare quidem potest interpres, nisi ab ipso Deo et eius spiritu edoctus, et instructus notionibus rerum, quae per verba symbolice sint significata. Neque audiendus est *Origenes*, si praesidium suae sententiae in metaphoris et tropis quaerit, cum notum sit in omni lingua et sermone quouis, translationes significationum a propria in alienam occurrere, quorum sensus ita vsu tritus est, vt fere proprius appellari possit, adeo vt merito rideatur, qui tropos ad viuum refecare velit, aut falsa dicat inueniri in libro, in quo metaphorae et tropicae legantur locutiones, de quarum significatione dudum inter se conuenerunt homines eadem lingua utentes, vt de proprio nemo amplius quaerat. Scriptura sacra nihil in hac re habet diuersi, a ceteris libris, cum Deus se vtique in instituendis hominibus ad humani sermonis leges adcommodaerit. Haec cogitare debebat *Origenes*, cum, vt Scripturam falsa exhibere ostenderet, citaret loca, quae metaphoricum quidem, sed eum verissimum, eundemque literalem sensum haberent. Attamen fortassis si ulterius progressus non fuisset *Origenes*, quodammodo si a verbis quibusdam duris discesseris, excusationem inueniret. Sed e citatis testimoniis liquet, nimis saepe ab eo falsitatis accusari scripturam, cum repudiet in plurimis locis sensum literalem, vbi tamen nullus alius admitti potest et vbi omnes verae historiae characteres et argumenta deprehenduntur, cuiusmodi sunt historia creationis, consitus in terra Paradisus, historia Sarae, Rebeccae, obstetricum Aegyptiarum, tentationis Domini etc. Eo etiam audaciae processit, vt legem Mosaicam, si literali sensu intelligeretur Deo indignam et legibus mere humanis inferiorem pronunciaret. Quod quamuis de lege potissimum caerimoniali dixerit, tamen et in hac literalem sensum prorsus reiiciendum esse non euicit. Quam enim ipse affert sententiae huius rationem, quod lex caerimonialis postquam abrogata sit, non amplius obseruetur, adeoque etiam sensu literali careat, ea falsa est et male ficta. Lex enim haec siue nunc, cum sit abrogata, siue olim, cum esset obseruanda, habet et habuit tantummodo sensum literalem. Typus vt diximus quaerendus est in re non

in verbis. Sic et reliquae eius regulae, nullo innixae fundamento, facile corruunt. Verissimum quidem est Paulum de coelesti quadam Hierosolyma, et de Israelita spiritali esse loquutum, sed quomodo quaeso inde colligere quis iure possit, ut quaecunque de Hierosolyma Palaestinae dicantur, ea ad coelestem sint referenda, atque eadem ratione, Aegyptum, Babyloniam, Tyrum etc. in coelis esse fingendas. Hanc certe profanam et monstro similem, Platonismi et Pythagoreismi cum interpretatione sacra mixturam a Paulo non didicerat *Origenes*. Sed sibi ipse non satis ubique constat, nec facile conciliantur, quae contra literalem sensum disputat, cum iis, quibus simplicium institutioni et cognitioni, eundem sensum sufficere contendit. Quid? quod pugnare ea inter se videntur, quod idem *Origenes*, qui tot laboribus in textu sacro restituendo, utilissimis exantlatis, viam aliis ad veram interpretationem aperire atque munire voluerit, in contraria tamen studia abreptus, neglecto sensu literali, allegoriis minium indulgendo, sustulerit omnem interpretationis certitudinem. Sed qui considerauerit opiniones illorum temporum, et studia ab omnibus adamata; scriptorum gentilium, Iudaeorum et Christianorum, qui allegorias sequerentur, tantam auctoritatem; pauca illa quae tum ad scripturae sensum verum eruendum suppetebant adminicula; viuidiorem ingenii *Origeniani* vim, ac denique stupendam illam, qua opera sua exarabat velocitatem: facile intelliget, non potuisse non ex his fontibus emanare et nasci in *Origene* immensum illud allegoriarum studium, in quo neminem ante se habuerit superiorem, nec ullum post se sibi parem.

Nondum ad finem perduximus argumenti nostri tractationem, sed libelli ratio exigit, ut quae restent alii loco et tempori referuamus. Nunc id agamus, cuius causa haec praemisimus. Instant sacra solennia, quibus beneficia per Spiritum sanctum in nos collata pie veneramus, iustisque laudibus eum celebramus, quem et scripturae auctorem et optimum sacrarum literarum interpretem deuota mente agnoscimus, omnium denique bonorum largitorem et fontem vberimum gratissimo animo suspicimus. Hunc inuocabimus atque ab hoc ardentissimis precibus contendemus, ut qui animos nostros laetissima erexit spe felicitatis obtinendae, quam de haerede concepimus et Patri Patriae et nobis exoptatissimo, eosdem iusto tempore ad gratias agendas, suo auxilio aptos reddat atque idoneos. Pietatis nostrae interpretem elegimus

Virum

Virum Clarissimum Doctissimumque Dominum IOHANNEM CARO-
 LVM HEILIGENSCHMID, Naunhof. Misn. Philosophiae et libera-
 lium artium Magistrum dignissimum, eruditionis et morum integerrimo-
 rum laude maxime conspicuum, qui docte et eleganter: *de praestantia*
donorum spiritus sancti ordinariorum prae miraculosis, verba facturus,
 sanctissima simul vota pro vita, salute et incolumitate *Friderici Au-*
gusti Principis Electoris nostri Clementissimi atque *Vxoris Celsissimae*, cui
 felicem partum omnes adprecamur, nuncupabit, atque Patriam, Ec-
 clesiam; Academiam, urbem denique totam nobis carissimam, piis at-
 que religiosis precibus Deo commendabit. Quem ut *Celsissimi Princi-*
pes, Illustrissimi Comites, Viriusque Reipublicae Proceres Grauiissimi, Com-
mitones Generosissimi et Praenobilissimi beneuole audiant, omni qua de-
 cet obseruantia et humanitate rogamus. P. P. Dominica Exaudi A. R.
 S. H. M D C C L X X I I.

L I P S I A E,

EX OFFIGINA KLAVBARTHIA.

the first of these is the fact that the
the second is the fact that the
the third is the fact that the
the fourth is the fact that the
the fifth is the fact that the
the sixth is the fact that the
the seventh is the fact that the
the eighth is the fact that the
the ninth is the fact that the
the tenth is the fact that the

the eleventh is the fact that the
the twelfth is the fact that the
the thirteenth is the fact that the
the fourteenth is the fact that the
the fifteenth is the fact that the
the sixteenth is the fact that the
the seventeenth is the fact that the
the eighteenth is the fact that the
the nineteenth is the fact that the
the twentieth is the fact that the

the twenty-first is the fact that the
the twenty-second is the fact that the
the twenty-third is the fact that the
the twenty-fourth is the fact that the
the twenty-fifth is the fact that the
the twenty-sixth is the fact that the
the twenty-seventh is the fact that the
the twenty-eighth is the fact that the
the twenty-ninth is the fact that the
the thirtieth is the fact that the

the thirty-first is the fact that the
the thirty-second is the fact that the
the thirty-third is the fact that the
the thirty-fourth is the fact that the
the thirty-fifth is the fact that the
the thirty-sixth is the fact that the
the thirty-seventh is the fact that the
the thirty-eighth is the fact that the
the thirty-ninth is the fact that the
the fortieth is the fact that the

the forty-first is the fact that the
the forty-second is the fact that the
the forty-third is the fact that the
the forty-fourth is the fact that the
the forty-fifth is the fact that the
the forty-sixth is the fact that the
the forty-seventh is the fact that the
the forty-eighth is the fact that the
the forty-ninth is the fact that the
the fiftieth is the fact that the

the fifty-first is the fact that the
the fifty-second is the fact that the
the fifty-third is the fact that the
the fifty-fourth is the fact that the
the fifty-fifth is the fact that the
the fifty-sixth is the fact that the
the fifty-seventh is the fact that the
the fifty-eighth is the fact that the
the fifty-ninth is the fact that the
the sixtieth is the fact that the

the sixty-first is the fact that the
the sixty-second is the fact that the
the sixty-third is the fact that the
the sixty-fourth is the fact that the
the sixty-fifth is the fact that the
the sixty-sixth is the fact that the
the sixty-seventh is the fact that the
the sixty-eighth is the fact that the
the sixty-ninth is the fact that the
the seventieth is the fact that the

BS	361353
485	De allegorica
9	interpretandi
Del	ratione



